

Publico por bishita exposicion 'Mosaik Picassiette' na Biblioteca



ORANJESTAD (AAN): Artista di Mosaic, sra. Enrita Werleman ta presenta un exposicion na biblioteca O'stad. Esaki a resulta di ta diferente, special y exitoso. Ta pesey a prolonga esaki y duna mas artesano e oportunidad pa wak e tecnica aki. E exposicion bunita aki ta habri te dia 21 di maart, durante orarionan DIARIO. - (DIAHUEBS 6 MAART 2025), P. 19

cu biblioteca ta habri.

Mientras arte di mosaik tradicional ta usa pida chikito di mosaik, 'pique assiette' ta usa pida di tayo corta pa forma un obra di arte. Na Frances e palabra 'Pique Assiette' ta nifica "recohedo di tayo" of "landron di tayo" y ta referi na usa tayo of recicla tayo ki-bra, sobra di glas y traha

arte cu esaki. Un ehempel di picassiette tin na Chartres, Francia.

E Maison Picassiette ta e trabou increibel di e artista Raymond Isidore. Ela nace casi na e mes un tempo cu Gaudi (artista renombra di Spaña). Isidore, cu a siña e technica su mes a cuminsa decora su cas. A ser bisa cu e tabata recohe y colecta

tayonan di dumpnan y tambe tabata haya donacion di otro hende.

Sin ningun training den arte Isidore a pone e pida pidanan den cement y peganan riba e murayanan di su cas cu asina a bira un obra di mosaik. Awendia,

'La Maison Picassiette' ta un destinacion turistico na Francia. Mas artistanan a sigiu traha obranan cu tayo. Asina ta, si bo kibra un tayo bo ta bay mir'e na un manera diferente. Tayo no ta pa pone cuminda so, pero por traha obra di arte tambe cune.